




تاریخ وادستان

۱۳۳۶



برکوف بیلنیر لیبیق مجموعه صلاصا
پلاچوق آرا لیرا ورتده مجموعه بولموز

ایندلا شری خدمت اجدادی فراموش
آمارینه اصلالزک و غبت اولموز

ای کوکل نفسکه تعظیم ایتمه فانیدر جهان
غافل اولدک حیف اول نامردی تذلیل ایتمدک
ای کوکل بردم لب اقبال ایله مثل «نجیب» [۱]
کوشه سجاده عرفانی تعقیل ایتمدک

سلطان مشار الیه حضرت تدرینک دیکر غزل پادشاهانه
وبلیغانه لری

خیال روی دلبر جسم زارمده نهانمدر
او دلجونک شتابی سو کبی کوزده روانمدر
کورنمز چشمه فصل گلستانک تماشایی
کورینن کوزیمه آنجق بهار آسا جوانمدر
بکا مرض ایتمه ای باد صبا بوی کل ونسرين
یتر کیسوی خوشبویی بنم عنبر فشامدر
سویدا کبی چیقماق صفحه دلان نه ممکندر
بنم اول خال مشکین خیلیدن خاطر نشانمدر
نه حاجت بوی عودک شمنه زرین بچمدر
او بوی زلفک ایراد دماغ جسم و جانمدر
نظیره سویه مک ممکن ذکل بومطلع خوبه
سخن پرداز اولان اول آصف دور زمانمدر

سلطان احمد خان ثالث حضرت تدرینه طغیان ایدن، اشقیانک یازدقلری
آغیر بیاننامه لرده صدر اعظم ابراهیم پاشانک قتل کبی مناسبتسز شیر
[۱] جنتمکان سلطان احمد خان ثالث حضرت تدرینه مخلص شاهانه لری «نجیب» در

طلب ایدلدکدن بشقه « برپادشاه محمود الحاصل ایسترز، دیمه لرینه جانی
سقیله رقی برادر زاده سی سلطان محمودی جلب ایله آلتدن واورده
مبارک الدن اوپمش وشو منظومه شاهانه ایله نصیحت ایتدکدن صکرم
تودیع سلطنت ایدرک انزو اکام هاپوننه چکلمشدر :

خیر اندیش ای وجود کریم

کیمسه به ایتمه کندیکی تسلیم

حاجت امحاجنه عدالت قیل

فقرا حاله رعایت قیل

کیمسه نك انکسارینی آله

نیم ایتدکلریمه هم قاله

سکا شهزاده لر امانتدر

لایق شان اولان صیانتدر

دائما سلطنتده وار اوله سین

فر وشو کتله برقرار اوله سین

ایله بختکی کشاده خدا

خیمه عمرک اوله پابر جا

سلطان احمد خان ثالث حضرتلری بعدالخلع بش سنه حیاتده

قالمشدر . فضلالی مشایخ عظامدن مستقیم زاده سعدالدین افندی مرحومک

کندی خط مبارکیله شو عبارتی کورددم :

«سلطان مشار الیه حضرتلری تکرار جلوس ایلسه دیو هر کس

تمنی ایدرلردی برکیجه اهل مظنه کرامدن محمد امین توقاتی حضرتلرینک

خلفاسندن اگری قبولی محمد راسم افندی [۱] رؤیاسنده کوردکه برجهیت

عظماده محضر اهل اللهده دیمشدرکه :

(رسول الله صلی الله علیه وسلم افندمن حضرتلری سلطان احمدک

جرمنی عفو ایلدی)

صبح اولادقده دعوت اولنان برغله وارر پیشوای خواجهکان
نقشبندی شیخ محمد امین توفانی قدس سره دخی اول مجلسی تشریف
بیورر [۱] بعد الاکرام محمد راسم افندینک خدشه درونی شیخک
مرأت دروننه عکس ایدر. یرندن فالقوب راسم افندینک یانه کلیر ،
شو مصرامی اوقور :

صوچن عفو ایتدی سلطان احمدک چوقدن رسول الله
محمد راسم افندی جواباً افندم سز او مجلسده حاضر می ایدیکز
دیر. حضرت شیخ امین - کوردیکز می نه عالی مجلس ایدی - دیو
کوزلرندن یاش آتمقده اولدینی حایده اولکی محله قعود ایدر .
بواننده مناره لردن صلا اوقونمغه باشلار . و سلطان احمدک رحلت
ایتمش اولدینی اکلاشیلیر ، کوردیلورکه مسئله حضرت رسول الله
کوجندر مامکده ، عجیبا هانکی حالزله ؟



فاتح سلطان محمد خان غازی حضرت تلرینک نفس نفیس همایونلری
ایچون یازدیروب مطالعه بیوردقلری کتابلر

دردنجی کتاب

علامه مشهور سیبویه حضرت تلرینک فن نخوده جمیع مسائلی حاوی
کتاب بی مثل ونظیری ایله شرحی محتوی شیخ ابوسعید سیرانی حضرت تلرینک
کتاب اکملریدر . کتابک متن سرخ ایله و شروحات سیاه مرکله یازلمشدر .
حضرت فاتح ، مطالعه همایونلری ایچون تحریر واستساخ ایتدیردقلری
بوکتاب بوندن اولکی مجموعله لر مزده اسملری کچن کتابلردن حجماً

[۱] شیخ محمد امین توفانی حضرت تلرینک اصلی و ابا واجدادی (آمد) ،
دیاربکر شهرندندر بونک ایچون مفصل ترجمه حال ولایتناهیلری (تذکره شعراء
آمد) هنوانلی مطبوع اثر مزده واردر .